



Pandohop je domah Bara Ngambo

**INYURAT AWI
WATSON GOODMAN**

INENGA BEWEI, DIA INJUAL

PANDOHOP JE DOMAH BARA NGAMBO

PANDOHOP JE DOMAH BARA NGAMBO iintih bara pirepire bagi hong Surat Barasih bahwa jete dia beken bara Surat Barasih te kea. Aku percaya kakare bawak aokh ije paling bahalap mana-jiu Surat Brasih puna Buku Brasih te kea.

Auh Tuhan je domah “bara ngambo” dan jetoh puna baguna toto akan itah ije haus tuntang mangkeme balau dengan katoto. Amon ije biti oloh jari hobah dan malihi hadat langkasai je helo iyete kakare dosae tuntang peraya ije Yesus te Tuhan tuntang Jurusalamate dengan katoton ateie, maka Tuhan kareh mangarinah Arepe akan oloh te, tuntang manenga akae kasanang dan kahanjak ije domah bara Tuhan. Aku mangkeme kahobah to hong nyelo 1937 tuntasg metoh te kea karanteep ije ije bahalap dengan Tuhan Hatalla dia akan bagetu. Aku mimbit kakare pahari oka manyarah hapus pabelom pahari akan lengen Tuhan **METOH TOH KEA** amon kakare pahari masih manumun taluh ije inyari-taky te.

— Watson Goodman (1920-2002)

SINTAN HATALLA

1

Romani 5:8

Tapi Hatalla mangarinah sintan aie te dengan itah, basa Kristus jari matei tagal itah kahum itah magon badosa.

Yohannes 3:16

Karena kalote kapaham Hatalla jari sinta kalunen, sampai ie jari manenga Anake ije tonggal, mangat gagenep oloh, ije percaya huang ie, dia binasa, tapi mandino pabelom ije katatahi.

Pangarinah 1:5

Tuntang bara Yesus Kristus, ije Saksi bujur te, ije Tambakas kamisik bara marak oloh matei; ije Raja mahunjun kare rajan ka-

lunen; ije jari sinta itah, tuntang mamenyau itah, mampuas kare dosan itah hapan dahae.

Yeremia 31:3

Bara kejau Tuhan jari mamala akangku. Toto, aku jari sinta ikau, hapan sinta ije kata-tahi, tagal te aku jari mahaga asingku akam harajur.

I. Yohannes 4:8, 9

Oloh ije jaton sinta, jaton jari kasene Hatalla, karena Hatalla puna sinta. Huang jetoh sintan Hatalla dengan itah jari bakarinah, awi Hatalla jari manyoho Anake ije tonggal tame kalunen, mangat itah belom awie.

2 KAHATALLAN TUHAN YESUS

Kolosa 1:17

Ie helo bara taloh handiai tuntang taloh handiai uras magon aton awie.

Mateus 1:22, 23

Maka kare taloh toh manjadi, uka tulus aukh Tuhan, ije insanan nabi, koae: "Ite, bujang salia kareh mimbit arepe tuntang manak hatue; oloh akan manyewut arae Immanuel", rimae, amon inyalinan: Hatalla hinje itah.

Yohannes 14:9, 10a

Koan Yesus dengae: Kalote katabie aku jari hinje keton,

maka ikau jaton kasene aku, Pilippus? Oloh ije jari mite aku, jari mite Bapa kea. Maka kilen ikau hamaub: Paraban Bapa akan ikei? Dia ikau percaya, aku toh huang Bapa tuntang Bapa huang aku?

Yohannes 1:1 tuntang 14

Intu solake jari aton Aukh te, maka Aukh te hinje Hatalla tuntang Aukh te Hatalla. . . . Maka Aukh te manjadi isi tuntang melai marak itah, maka ikei jari manampayah kahain ayue, kahaie, kilau ain Anak Bapa ije tonggal, kontep asi tuntang katoto.

YESUS ANAK HATALLA

3

Kolosa 2:9

Karena huang ie hapus Kaha-talla puna habereng.

Yesaya 9:5

Karena Anak jari inakan akan itah, Anak hatue jari inenga akan itah, ije intu bahae aton pamentahan, tinai arae te: Tempon akal ije heran, Hatalla kuasa, Bapa katatahi, Rajan kasanang.

Mateus 17:5

Maka metoh ie hakotak, te salenga baunandau ije balawa manganjungen ewen, tinai aton aukh bara baunandau te, koae:

Ie toh Anakku, ije eka huangku, ie ije ingilakku; hining ie!

Lukas 1:35

Tambah malekat sambil hamauh dengae: Rokh brasih kareh mohon akam, tuntang kuasan pangkabai Tuhan kareh manganjungen ikau; tagal te kea Ije brasih te, ije kareh inakam, akan bagare Anak Hatalla.

I. Yohannes 4:15

Toh, oloh ije mangaku Yesus toto Anak Hatalla, Hatalla melai huang oloh te, tuntang oloh te huang Hatalla.

4 YESUS MANYARITA AREPE AKAN ITAH OKA ITAH MANGATAWAN EWEH IE IJE SAPUNAE

Yohannes 9:5

**Katahingku huang kalunen aku
toh kalawa kalunen.**

Yohannes 10:7

**Maka koan Yesus dengae tinai:
Toto-toto, aku hamauh dengan
keton: aku toh bauntonggang
tangguh tabiri.**

Yohannes 6:35

**Maka Yesus hamauh dengan
ewen: Aku toh rote pabelom;
olah ije dumah tangguh aku, ie
jaton akan balau; olah ije per-
caya huang aku, jaton haliai ie
akan teah belaie hindai.**

Yohannes 8:58

**Koan Yesus dengae: Toto-toto
aku hamauh dengan keton: helo
bara Abraham injadian, aku jari
aton.**

Yohannes 11:25

**Koan Yesus dengae: Aku toh
kamisik tuntang pabelom; olah
ije percaya huang aku, ie kareh
belom, aloh ie jari matei.**

Yohannes 8:23

**Maka koae dengan olah te:
Keton bara ngiwa; aku bara
ngambo; keton bara kalunen je-
toh; aku jaton bara kalunen toh.**

PAPIRE KATA HERAN JE IAWI YESUS

5

Lukas 5:5, 6

Tambah Simon sambil hamaui dengae; Guru, ije male-malem ikei jari bagawi, jaton mulih taloh en-en, tapi tumon aukhm aku handak malaboh pasat. Amon ewen te mawie kalote, maka ewen mandino tawon lauk, sampai pasate bilak barabit.

Mateus 14:19-21

Palus ie manyoho oloh are mondok intu oru. Limbah te ie manduan lime kabawak rote tuntang due kongan lauk te, palus mananggera akan langit, mamberkat te. Limbah te ie mandarai rote te sambil manenga te akan muride; maka muride miring te

akan oloh are. Balalu oloh samandiai te kuman, sampai besoh; limbah te ewen manampunan tisan kare kiwak rote, duewalas lontong kontep. Maka kare oloh ije jari kuman, sampai lime konyan hirakh oloh hatue; beken tinai oloh bawi tuntang anakoloh.

Mateus 20:30 tuntang 34

Maka aton oloh babute due biti mondok intu saran jalan. Amon ewen mahining Yesus mahalau hete, maka ewen mangkariak, koae: Pasi ikei Tuan, anak Dawid! . . .Maka Yesus paham angkat asie dengae, palus ie maninjek matae; te matae balalu marenang, tuntang ewen te ompat ie.

6 YESUS KRISTUS MANJAPA TALOH HANDIAI DAN TUHAN ITAH

Yohannes 1:3

Taloh handiai jari injadiae, maka sala bara awie jaton jari injadian taloh ije, awang aton.

I. Korintus 1:9

Hatalla toto tau iharap, ije awie keton jari irawei, uka hinje dengan Anake Yesus Kristus, Tuhan itah.

Kolosa 1:16

Karena huang ie taloh handiai jari inampa, ije huang sorga tuntang hunjun petak, ije gitan tuntang ije jaton gitan, kare padadusan, kare awang marentah, kare

awang hai, kare awang kuasa, taloh handiai te uras jari injapa awie tuntang akae.

I. Korintus 8:6

Te mahin ain itah Hatalla Ije bewei, Baba te, ije bara ie aton taloh handiai tuntang itah puna akae; tinai ain itah baya Tuhan Ije, Yesus Kristus, ije awie te aton taloh handiai, tuntang itah aton awie.

Romani 14:9

Karena sabab te kea Kristus jari matei tuntang jari belom haluli, uka ie Tempon oloh matei, Tempon oloh belom.

YESUS KRISTUS IJE MANJADI HAKIM AKAN 7 ONGKOP ITAH SAMANDIAI

Yohannes 5:22

Karena Bapa jaton kea mamutus kajarian oloh, tapi kare kuasa hapan mamutus kajarian olon jari inengae akan Anak.

Saritan Gawin Rasul 10:42

Maka ie jari manyoho ikei mansanan akan oloh are, hayak manyaksi ie toto jari inantu Hatalla, uka mamutus kajarian oloh belom, oloh matei.

Romani 2:16

Huang andau te, amon Hatalla kareh mariksa mahukum kare taloh basilim huang oloh, awi Ye-

sus Kristus, tumon Ewanggelion ayungku.

II. Timoteus 4:1

Toh, intu taharep Hatalla tungtang Tuhan Yesus Kristus, ije kareh mariksa mamaleh oloh belom, oloh matei, metoh ie dumah huang karajaan ayue, aku mameteh ikau.

Romani 14:10

Maka ikau, mbuhen ikau manyalan paharim? atawa ikau tinai, mbuhen ikau manawah paharim? Karena itah handiai indu manaharep karosin basaran Kristus.

8 KALIWUS BARA DOSA BAYA MAHALAU KRISTUS BEWEI

Yohannes 14:6

Koan Yesus dengae: Aku toh jalan tuntang katoto tuntang pabelom; oloh jaton tau manalih Bapa, amon dia mahapang aku.

Yohannes 8:24

Aku jari hamauh dengan keton: keton kareh matei huang kare dosan keton; karena amon keton jaton percaya, aku Ie te, te maka keton kareh matei huang kare dosan keton.

Saritan Gawin Rasul 4:12

Maka selamat jaton huang oloh beken, jaton kea aran beken

hapus penda langit jari inenga akan oloh, ije eka itah tau mandino selamat.

Ibrani 7:25

Tagal te harajur katatahi ie toto tau manyalamat kare oloh, ije manalih Hatalla mahapang ie, basa ie belom katatahi tuntang balaku akan oloh te.

Mateus 25:32

Te kakare utus oloh akan imumpong manaharep ie, palus ie kareh mamisah ewen kilau saktik mamisah tabiri bara kaming.

KALIWUS BARA DOSA BAYA MAHALAU KRISTUS BEWEI

9

I. Korintus 1:30

Maka awie te kea keton toh huang Kristus Yesus, ije jari in-jadian Hatalla indu kapintar, ka-tetek, karasih tuntang kaliwus itah.

Kolosa 1:12-14

Hayak keton manarimakasih intu Bapa, ije jari mamatut itah mandino bagin panatau huang kalawa hayak dengan kare oloh barasih; ije jari maliwus itah bara kuasan kakaput tuntang jari mindah itah akan karajaan Anak-e, ije eka kataue. Huang ie itah bara kaliwus awi dahan aie, ie te ampun kare dosa.

Pangarinah 5:9

Maka ewen manyanyi nyanyi taheta, koae: Ikau toto patut akan manduan surat te tuntang mangarak kare cacake, karena ikau jari inyambalih; tinai hapan daham ikau jari manewus akan Hatalla bara kare hamputan, kare basa, kare utus tuntang kare jalahan oloh.

Titus 2:14

Ije jari manyarakh arepe tagal itah, mangat ie maliwus itah bara kare kadarhaka tuntang mamparasih akae ungkup oloh, ije baris ayue, ije rajin malalus gawi bahalap.

10 AWI DAHAN KRISTUS DOSA TAU INEWUS

Epesus 1:7

Huang ie te itah bara kaliwus awi dahan aie, ie te itah bara ampun kare dosa, tumon kapaham asie.

I. Yohannes 1:7

Tapi amon itah mananjong huang kalawa, kilau ie puna huang kalawa, te itah bulat atei sama arep itah, tuntang dahan Anake, Yesus Kristus, mamparasih itah bara kare dosa.

I. Petrus 1:18, 19

Basa keton katawan jaton hapan taloh ije tau nihau, jaton hapan salaka bulau keton jari inewus bara jalan keton ije hayang, ije tumon dasar tato hiyang ke-

ton, malengkan hapan dahan Kristus, ije barega haliai, ije kilau anak tabiri ije jaton kasalae tuntang barasih haliai.

Ibrani 9:14

Toto, paham haream dahan Kristus, ije awi Rokh ije katatabi jari maluput arepe indu parapah, ije lapas bara kare kasalan intu Hatalla, kareh mamparasih pangingat atei itah bara kare gawi matei te, mangat manempo Hatalla ije belom.

Romani 5:9

Toh, limbah itah jari inampa manjadi tetek awi dahae, maka paham haream itah kareh iawat bara kalait hukum.

ITAH SALAMAT AWI KAPERCEAYA HONG KRISTUS 11

Galatia 5:6

Karena huang Kristus Yesus jaton baguna en-en, aloh inyumat, aloh jaton inyumat, tapi kapercaya ije bara gawi huang sinfa.

Epesus 2:8, 9

Karena tagal asi bewei keton jari inyalamat awi kapercaya; tinai jete jaton awi keton, tapi jete panengan Hatalla, jete jaton awi kare gawin oloh, bele oloh manara arepe.

Yohannes 6:28, 29

Koan oloh te dengae: Narai patut iawi ikei, uka ikei manguan gawin Hatalla? Tombah Yesus

sambil hamauh dengan oloh te: Gawin Hatalla, ie te, uka keton percaya huang ie, ije jari inyo-hoë.

I. Yohannes 5:4

Karena genep oloh ije jari inakan Hatalla, ie mampalah kalunen, kapercayan itah puna indu kamanang, ije mampalah kalunen.

Yohannes 20:31

Tapi taloh toh jari tarasurat, uka keton percaya Yesus toto Kristus, Anak Hatalla, mangat keton, ije percaya, bara pambe-lom huang aran ayue.

Masmur (Nyanyi) 108:5

Karena asim hai, gantong bara langit, tinai katotom tumon kakejau darin baunandau.

Mikha 7:18

Eweh Hatalla ije kilau ikau, ije mampun kasalan, palus ngalapean kare kalangkah tisan oleh ayue te? Ie jaton manege kalaite sampai katatahi, karena ie puna rajin masi.

Masmur (Nyanyi) 103:17

Tapi asin Tuhan bara katatahi sampai katatahi melai hunjun ewen te, ije mikh ie, tinai kate-teke palus sampai anak eson ewen harajur.

Masmur (Nyanyi) 103:11

Karena kagantong langit bara petak, tumon te kapaham asie dengan ewen te, ije mikh ie.

Titus 3:5

Te ie jari manyalamat itah, dia sabab gawi tetek ije iawi itah, tapi tumon asie awi pampandoi barasih, ije awi te itah inakan haluli, tuntang awi Rokh brasih ije manaheta itah.

T. Yeremia 3:22, 23

Kare asin Tuhan hindai jari lepah, kare kasayange hindai balentas. Jete taheta sining hanjwu, katotom paham haliai!

HATALLA MARAWEI ITAH OKA URAS DOMAH 13 MANANGGUH IE

Pangarinah 22:17

Maka Rokh tuntang pisek te hamauh: Dumah! Buah ije mahining te hamauh: Dumah! Tinai awang haus belaie, keleh ie manalih. Awang handak, keleh ie manduan danum pambelom inenga bewei.

Yohannes 7:37

Maka katapakan kare andau pesta te, ie te intu andau ije pangkahai, Yesus mendeng tuntang mantehau, koae: Amon oloh teah belaie, buah ie kantoh manalih aku palus mihop!

II. Korintus 5:20

Tumon te ikei toh sarohan Kristus, kilau Hatalla mangatau keton hajamban ikei. Maka huang aran Kristus ikei balaku keton: Keleh keton inyapan dengan Hatalla!

Yesaya 55:1

Has, keton handiai ije teah belaie, kantoh, tanggoh danum; tinai keton ije jaton bara duit, kantoh, pili tuntang kuman! Kantoh, pili danum anggor tuntang johon tusun meto, dia usah duit, dia usah imbayar!

14 DIA GAGENEP BITI OLOH TAU INYEWUT ANAK HATALLA

I. Yohannes 3:10

Awi jetoh anak Hatalla tuntang anak setan bakarinah. Genep oloh ije jaton malalus katetek, ie jaton bara Hatalla; tinai dia kea oloh te, ije jaton sinta paharie.

II. Korintus 6:17, 18

“Tagal te, balua keton; libi oloh te, pisah arep keton dengae, koan Tuhan; ela manigong taloh ije papa; te aku handak manarima keton, tuntang handak akan Bapa keton, tinai keton akan anakku hatue bawi, koan Tuhan, ije jaton tikas kuasae.”

Romani 8:14, 15

Karana kare oloh, ije irentah Rokh Hatalla, jete anak Hatalla. Karana keton jaton jari mandino rokh jipen, sampai keton magon indu mikh, tapi keton jari mandino Rokh anak. Hapan te itah mantehau: Abba, o Apang!

Pilippi 2:15

Mangat keton ela sala, tapi bujur, kilau anak Hatalla, ije jaton bukue akan ingotak bentok utus oloh bingkok tuntang putar-balik te, ije marak jete keton lalendang kilau sumbo huang kalunen.

NARAI AUH HATALLA TAHIU TALOH IHUP 15 IJE TAU MAMBUSAU

S. Salomo 23:31, 32

Ela mite anggor ie bahalap bahandang ampie tuntang nyaramin huang sangkir, tinai mangat telee; harian jete manotok kilau handipe, palus mawi kilau handipe pura.

Galatia 5:19-21

Maka kare gawin isi te bakarinah, ie te: bandong, karayap, kapapa, manyembah dewa, malahan, mamusoh, manyuat, bahiri, sangit, mangalahi, mamantah, misi, tulas, mampatei, mambu-

sau arepe, badalem, tuntang kare gawi beken, ije tumon te, ije insanangku akan keton, kilau pasanangku bihin kea: Oloh ije mawi taloh kalote, jaton tau mandino bagi huang karajaan Hatalla.

Romani 13:13, 14

Buah itah belom mantoh, kilau handau, ela huang kabungu tuntang kabusau, ela huang karayap tuntang kipen papa, ela huang kasuat tuntang kahiri; tapi buah keton hapakayan Tuhan Yesus Kristus; tinai ela mahaga isin keton akan mamaham kipee.

16 BAYA KAHAIN ATEI BEWEI, JETE MASIH DIA SUKUP

S. Salomo 16:25

Aton jalan, ije inaha oloh puna bujur, tapi lawie manantarang pampatei.

Mateus 22:37, 38

Koan Yesus dengae: “Ikau akan indu sinta pangkahai Tuhan Hatallam hapan salepah ateim, hapan salepah hambaruam, hapan salepah kaharatim. Jete parentah ije mambatang tuntang hai.”

Mateus 7:21

Jaton baka oloh handiai, ije hamauh denganku? O Tuhan, o Tuhan! kareh tame karajaan sor-

ga, baya ewen te bewei, ije manumon kahandak Apangku ije huang sorga.

Ibrani 3:13

Tapi awi hapuji sama arep keton sining andau katahin katika ije inggare “andau toh,” bele atei ije biti baris keton habalulang awi tipun dosa.

Titus 1:16

Oloh te mangaku arepe kasene Hatalla, tapi awi kare gawie ie milime, basa oloh te puna kabele, ije parisang tuntang jaton baguna akan kare gawi bahalap.

Yakobus 1:22

Tapi keleh manumon aukh te kea; ela mahininge bewei, kilau manipu arep keton.

Galatia 6:7

Ela hureh, Hatalla jaton maku ihalalea! Karana taloh ije inawur oloh, jete kea inggeteme.

Galatia 6:3

Karana oloh ije mado arepe hai tuntang ie jaton, ie te mamunga arepe.

I. Korintus 6:9, 10

Dia keton katawan oloh darhaka jaton kareh mandino bagi huang karajaan Hatalla? Ela layang pikir keton; jaton oloh pahabandong, oloh panyembah ta-

loh, oloh parayap, oloh kihal, jaton oloh ije habasir, jaton ije panakau, oloh bisit bakoho, oloh pambusau, oloh pangotok pampa, oloh parampas, kareh mandino bagi huang karajaan Hatalla.

I. Yohannes 3:7, 8a

O anak! ela oloh mampalayang keton; oloh ije malalus katetek, ie te tetek, kilau Ie kea puna tetek. Oloh ije mawi dosa, puna baris setan, karana setan puna mawi dosa bara sola-solake.

Epesus 5:6

Ela manalua oloh mampalayang keton hapan aukh hayang; karana tagal kare taloh jete kalait Hatalla mawi kare oloh parisang.

Lukas 15:32

Maka patut itah barami-rami tuntang hanjak; karena andimtoh jari matei, belom haluli; ie jari nihau, sondau tinai.

Romani 8:6

Maka amon mangenang tumon isi, jete pampatei; tapi amon mangenang tumon Rokh, jete pambelom tuntang kasanang.

Romani 5:12

Tagal te, kilau awi oloh ije dosa jari tame kalunen, palus dosa te manamean pampatei; kalote pampatei balalu akan oloh handiai, basa ewen handiai jari tamput badosa.

S. Salomo 11:19

Karena katetek magah akan pambelom; tapi oloh ije manggoang kapapa, ie manggulong arepe tanggoh pampatei.

Esekhel 18:20

Karena hambaruan ije badosa, ie te kea akan matei. Anake jaton akan omba mananggong kadarhakan bapae, tinai bapae jaton akan omba mananggong kadarhakan anake; kabujur oloh bujur puna akae, tinai kadarhakan oloh darhaka puna akae kea.

Yakobus 1:15

Limbah te kipee te, amon mangdong, manak dosa; tinai dosa, amon ilalus, manak pampatei.

YESUS MANANG BARA PAMPATEI 19

Yohannes 11:43, 44

Limbah ie hamauh kalote, maka ie mantehau hai aukhe: Lasarus, balua! Balalu oloh ije jari matei te, balua, pai lengee ime-teng dengan benang; tinai baue patutup benang ebes. Koan Yesus dengan oloh: Engkak ie; soho ie hagoët.

Yohannes 10:17, 18

Tagal te Bapa sinta aku, basa aku manyarakh tahasengku, uka aku manduan te tinai. Oloh jaton mohot te bara aku, tapi ihatku kabuatku manyarakh te; aku kuasa manyarakh te, tinai aku kuasa

manduae haluli. Parentah toh jari dinongku bara Apangku.

Lukas 7:14, 15a

Limbah te ie manggapi, mangarimas raung, palus oloh ije metoë tende, balalu ie hamauh: O oloh tabela, aku manyoho ikau, misik! Te oloh ije matei te balalu mondok tuntang manampara hakitak.

Pangarinah 1:18

Aku toh... ije Batang-pambelom. Aku jari matei, tapi ite, aku belom palus sampai katatahi. Tinai aku mimbing anakkuncin eka kare liau tuntang pampatei.

20 KAKARE PARENTAH IJE BARA HATALLA

Deuteronomium 5:7-18

Ela aton aim hatalla beken intu taharepku.

Ela ikau manampa hampatong tamunan en-en akam, ela tumon taloh awang ngambo intu langit, ela tumon taloh awang ngiwa hunjun petak, ela tumon taloh awang huang danum penda petak. Ela ikau sontop akae, ela manyembah ie. . .

Ela ikau mahapan aran Tuhan, Hatallam, sala, karena Tuhan jaton kareh malapas bara hukum oloh te, ije mahapan aran ayue sala.

Haga andau sabat, uka ikau mahaga jete barasih, tumon pa-

rentah Tuhan, Hatallam intu ikau. Kajahawen ikau akan bagawi sambil nguan kare taloh gawim, tapi andau uju te andau sabat ain Tuhan, Hatallam. . .

Hormat bapam tuntang indum, tumon parentah Tuhan, Hatallam intu ikau, mangat umur panjang, tuntang mangat ikau batuah huang tanah, ije inenga Tuhan, Hatallam, akam.

Ela ikau mampatei olon.

Ela ikau habandong.

Ela ikau manakau.

Ela ikau mananjaru.

Ela ikau mipen sawan oloh, ela mipen human oloh, ela tanae,

ela jipee ije hatue, ela jipee ije
bawi, ela sapie, ela kalidaie, ela

ikau mipen taloh ije-ije, awang
ain oloh.

ITAH PUNA DIA TAU MANYAHOKAN AREP 21 ITAH BARA BAUN HATALLA

Yob 34:21, 22

Karana matan Hatalla manan-
tuneng jalan genep bitu, ie mite
kare pananjonge. Jatun taloh re-
meng, jatun taloh kaput, eka oloh
ije papa gawie tau manyahokan
arepe.

**Masmur (Nyanyi)
139:8 tuntang 12**

Aloh aku mandai akan langit,
maka ikau hete; aloh aku handak
mohon menter huang eka liau
oloh matei, toto, ikau hete kea.
... Maka taloh kaput kea jatun
tau mangaput taloh intu taha-

repm, hamalem balawa kilau
handau, kakaput sama kilau ka-
lawa.

Lukas 8:17

Karana jatun taloh basahokan,
ije dia bakarimah dapit, atawa ta-
loh basilim, ije dia ingatawan
tuntang mamarah dapit.

Yeremia 23:24

Tau kea oloh manyahokan a-
repe intu eka basilim, sampai aku
jatun tau mite ie? koan Tuhan.
Jatun hapus langit tuntang petak
basuang aku? koan Tuhan.

22 HUKUM IJE KATATAHIE AKAN KAKARE OLOH JE HALIAU

Mateus 25:46

Maka oloh te palus akan hukum ije katatahi, tapi oloh tetek akan pabelom ije katatahi.

Mateus 18:8

Tapi amon lengem atawa paim mampalayang ikau, tetek te, kanan te; karena bontong ikau pukong atawa kait tame pabelom, bara ikau halenge hapai due inganan akan apui ije katatahi.

Mateus 13:41, 42

Anakolon kareh manyoho malekat ayue; te ewen kareh manampunan bara karajaan ayue

kare taloh patarang tuntang kare oloh darhaka. Palus ewen kareh manganan jete akan apui; hete kareh aton tangis tuntang keret kasinge.

II. Petrus 3:7

Maka kare langit ije katika toh tuntang petak, awi aukhe te kea, jari ina, uka ihaga akan apui, manantai andau te, metoh oloh parisang buah hukum palus binasa.

Masmur (Nyanyi) 9:18

Kare oloh papa akan iundur sampai eka oloh matei, kare oloh kapir, ije mangalapean Hatalla.

Romani 14:12

Te genep bitin itah akan marinting gawie intu Hatalla.

I. Yohannes 4:17

Awi jete sinta te toto tinduh intu itah, nakara itah tau ureh intu andau hukum, basa sama kilau ie, kalote kea itah huang kalunen toh.

Saritan Gawin Rasul 17:31

Jete, basa ie jari manantu andaue, handak mamutus kajarian kalunen huang katetek awi oloh, ije jari inantue, ije tarang jari insanae akan oloh handiai, awie jari mampisik ie bara marak oloh matei.

Ibrani 9:27

Tinai kilau jari inukas akan oloh, ie akan matei sinde, limbah te ie iriksa, imaleh.

II. Korintus 5:10

Karena jaton tau dia itah handiai manjadi bakarinah naharep karosin basaran Kristus, nakara genep biti mandino tumon gawie huang berenge, aloh bahalap aloh papa.

II. Petrus 2:9

Tumon te Tuhan tau maliwus kare oloh, ije mikh ie, bara tingkes, tapi tau mangurong kare oloh darhaka akan andau hukum, nakara ewen ingapehe.

24 SINTA TUNTANG ASIN YESUS KRISTUS

Romani 9:16

Tagal te jete jaton awi kahan-dak oloh, dia kea awi kalangkap oloh, tapi awi asin Hatalla.

I. Petrus 5:5b

Karena Hatalla malawan oloh bajoho, tapi oloh randah ateie iasie.

Saritan Gawin Rasul 4:33

Maka paham kuasan aukh ka-re rasul manyaksi kamisik Tuhan Yesus; tinai ewen handiai paham ingilak oloh are.

Romani 5:15

Tapi perkara panengan asi te dia kilau perkara kalangkah.

Karena amon awi kalangkah oloh ije te oloh are jari matei, paham haream asin Hatalla tuntang panengan asie jari hakutoh akan oloh are, huang asin oloh Ije te tinai, ie te Yesus Kristus.

II. Korintus 9:15

Maka tarimakasih akan Hatalla tagal panengan ayue, ije jaton ombet taratahiu.

II. Korintus 8:9

Karena keton katawan asin Tuhan itah Yesus Kristus; ie manjadi pehe belom tagal keton, aloh ie tatau, uka keton awi kapehee manjadi tatau.

Lukas 13:3

Dia, koangku dengan keton, tapi amon keton dia hobah, maka keton samandiai kareh nihau tumon te kea.

II. Korintus 7:10

Karena kapehen atei, ije tumon kahandak Hatalla, manjadian kahobah, ije jaton tarasasal, indu selamat; tapi kapehen atei tumon dasar kalunen manjadian pampatei.

Saritan Gawin Rasul 3:19

Toh, keleh keton manyasal tuntang hobah, uka kare dosan keton impuas.

Saritan Gawin Rasul 17:30

Maka katahin katika kahu-mong oloh, Hatalla jaton maku manahiu; tapi toh ie manyoho oloh handiai, intu kare eka, uka hobah.

Saritan Gawin Rasul 2:38

Maka koan Petrus dengan ewen: Hobah keton; tinai buah genep bitin keton impandoi huang aran Yesus Kristus akan ampun dosan keton; tumon te keton kareh mandino panenga Rokh brasih.

Mateus 3:2

Koae: Hobah keton; karena karajaan sorga jari tokep.

Mateus 6:14

Karena amon keton mampun kasalan oloh, te Bapa keton, ije huang sorga kareh mampun keton kea.

Yesaya 55:7

Keleh oloh papa malihi jalae tuntang oloh parayap kare ti-roke; keleh ewen hobah akan Tuhan, te ie kareh manyanyang masi ie, tuntang akan Hatallan itah, karena ie rajin kinjap mampun.

Pangarinah 3:20

Ite! aku mendeng intu baun-tonggang sambil manegah; amon oloh mahining aukhku tuntang muap lawang, te aku handak

tame huange tuntang handak kuman panginam hamalem te dengae tuntang ie denganku.

Esekiel 18:21

Tapi amon oloh darhaka hobah bara kare dosae, ije jari iawie, sambil mahaga kare parentahku tuntang malalus kabujur katetek: tantu ie akan belom palus jaton matei.

Saritan Gawin Rasul 5:31

Ie te jari inggang awi lengen gantaun Hatalla, manjadi Raja tuntang Jurusalamat, uka ie manenga kahobah tuntang ampun dosa akan oloh Israel.

MANGEJAU AREP BARA KAKARE HADAT 27 MANUMON KAOLON ITAH

Kolosa 3:2

Kumang taloh ije ngambo, ela ije hunjun petak.

Yesaya 1:16

Penyau arep keton, parasih bitin keton, kanan gawin keton ije papa bara matangku, terai mawi taloh papa!

Titus 2:11, 12

Karena asin Hatalla, ije manyalamat olon, jari lembut akan oloh handiai. Tuntang majar itah, mangat itah manganan kare kadarhaka tuntang kare kipen kalunen, mangat belom mantoh,

tetek, tumon kahandak Hatalla huang kalunen minjam toh.

Epesus 5:11

Maka ela mangarait arep keton dengan kare gawin kakaput, ije jaton baguna, tapi awi mampuji te haream.

I. Yohannes 2:15, 16

Ela sinta kalunen atawa taloh huange; amon oloh sinta kalunen, sintan Bapa jaton huang ie. Karena taloh handiai ije huang kalunen, ie te: kipen isi, kipen mate tuntang kajohon pabelom, uras jaton bara Bapa, tapi bara kalunen.

II. Korintus 5:17

Tagal te, amon oloh huang Kristus, te ie taheta tampae; taloh usang te halau, ite! jari aton manjadi taloh taheta.

I. Yohannes 5:18

Itah katawan, ije jari inakan Hatalla, ie jaton mawi dosa; tapi ije jari inakan Hatalla, ie ihagae, tuntang ije papa te jaton tau manawan ie.

Esekiel 36:26

Tinai aku handak manenga akan keton atei taheta, rokh taheta intu huang keton; aku handak manganan atei ije kilau batu te

bara huang keton, manenga akan keton atei ije isi.

Yohannes 3:3

Koan Yesus, tombah aukhe: Toto-toto, aku hamauh dengam: Amon oloh dia inakan haluli, jaton ie tau mite karajaan Hatalla.

I. Yohannes 2:29

Amon keton katawan ie puna tetek, te keton harati genep biti, ije tetek gawie, ie te jari inakae.

I. Petrus 1:23

Keton, ije jari inakan haluli, dia awi binyi ije tau rusak, tapi awi binyi ije jaton tau rusak, ie te, awi aukh Hatalla ije belom, ije melai sampai katatahi.

MATEI AWI DOSA, TINAI BELOM HALULI 29 HOANG KRISTUS

Galatia 5:24

Maka ije ain Kristus, ewen jari manyampalaki isie tuntang tirok kipee.

Romani 6:2 tuntang 11

Itah, ije jari matei akan dosa, kilen itah tau belom huang te tinai? ...Kalote buah angkat keton kea, keton toto matei akan dosa, tapi belom akan Hatalla huang Kristus Yesus, Tuhan itah.

Epesus 2:1 tuntang 6

Maka keton kea jari imbelome, katika keton matei huang kare kasalan tuntang dosan keton; ...

Maka hayak dengae ie jari mam-pisik itah tuntang jari mampon-dok itah huang sorga huang Kristus Yesus.

I. Petrus 2:24

Huang bereng ayue ie jari mananggung kare dosan itah intu kayu, uka itah matei akan dosa tuntang belom akan katetek; awi himang ayue keton jari halit.

Kolosa 3:1

Toh, amon keton jari imbelom hayak dengan Kristus, gau taloh ije ngambo huang eka Kristus te, ije mondok hila gantaun Hatalla.

Galatia 6:8

Oloh ije manawur intu isie, ie kareh manggetem kabinasa bara isi; tapi ije manawur intu Rokh, ie kareh manggetem bara Rokh pambelom ije katatahi.

Yohannes 3:36

Oloh ije percaya huang Anak, ie bara pambelom ije katatahi; tapi oloh ije marisang dengan Anak, ie jaton akan mite pambelom, tapi kalait Hatalla melai hunjue.

Yohannes 5:24

Toto-toto, aku hamauh dengan keton: oloh ije mahining aukhku tuntang percaya huang ie, ije jari manyoho aku, oloh te bara pam-

belom ije katatahi, tuntang ie jaton tame hukum, tapi ie jari mindah bara pampatei palus akan pambelom.

Yohannes 3:14, 15

Maka kilau Moses jari manggantong handipe te huang pandang, kakai Anakolan akan indu inggantong: Uka genep oloh, ije percaya dia binasa, tapi bara pambelom ije katatahi huang ie.

Yohannes 17:3

Maka jetroh pambelom ije katatahi, ie te amon oloh kasene ikau, ije tonggal kabuat bewei Hatalla toto, tuntang kasene ie, ije jari inyohom, Yesus Kristus.

KAPERCAYA HONG KASALAMAT HAMBARUAN 31

Galatia 4:6

Toh basa keton anak, maka Hatalla jari manyoho Rokh A-nake huang atei keton, ije mantehau: Abba, o Apang!

Romani 8:16

Rokh te kea manyaksi hayak dengan rokh itah, itah toto anak Hatalla.

I. Yohannes 3:18, 19

O anak! Ela itah sinta hapan totok bewei, tapi hayak gawi tuntang katoto. Awi jete itah kareh katawan, itah baris katoto, tuntang itah tau mampaharap atei itah dengae.

I. Yohannes 4:13

Awi jetoh itah katawan itah melai huang ie tuntang ie huang itah, awie jari manenga bara Rokh ayue akan itah.

Yesaya 32:17

Maka bua katetek te kasanang, tuntang kajarian katetek te kalandang tuntang kalindong kata-tahi.

Yohannes 14:21

Oloh ije intu ie parentahku tuntang mahaga jete, ie te ije sinta aku; maka oloh ije sinta aku, ie te inyinta Apangku, tuntang aku handak sinta ie sambil mangarinah arepku akae.

32 KRISTUS IJE MELAI HUANG ATEI ITAH, MANENGA KAHANJAK AKAN ITAH

Masmur (Nyanyi) 16:11

Ikau mamparaban akangku jalan pabelom, kapuas kahanjak aton intu taharepm, kare kamanis kamangat huang lengem gantaum palus katatahi.

Romani 14:17

Karena kerajaan Hatalla dia huang kuman mihop, tapi huang katetek, kasanang tuntang kahanjak huang Rokh brasih.

Galatia 2:20

Hayak Kristus aku jari inyam-palaki; aku belom, tapi dia jika aku, malengkan Kristus belom huang aku. Karena ije aku belom huang isi, jete aku belom awi ka-

percaya intu Anak Hatalla, ije jari sinta aku tuntang jari manyarakh arepe indu gantingku.

Yohannes 15:11

Aukh toh jari insanangku akan keton, uka kahanjak ayungku melai huang keton, tuntang kahanjak keton manjadi sukup.

Yesaya 12:3

Dengan hanjak rantang keton kareh masip bara kare kalin salam.

Yohannes 17:13

Tapi katontoh aku manalih ikau, tuntang aku manyewut aukh toh huang kalunen, uka kahanjakku sukup intu ewen toh.

MANUMON AUKH HATALLA JETE PUNA MAMBATANG HALIAI

33

Romani 6:16

Dia keton katawan, amon keton mampatempo arep keton indu jipen tantai akan mamenda, te keton toto rewar ayue, ije imenda keton kahandake, atawa keton jipen dosa akan pampatei atawa jipen katumon akan kate-tek?

II. Tesalonika 1:7-9

Tuntang mampangat keton, ije injake hayak dengan ikei, katika Tuhan Yesus kareh bakarinah bara langit, impahayak kare mallekat kuasae: ije hapan nyalan apui kareh mamaleh kare oloh, a-

wang jaton katawan Hatalla tuntang awang jaton jari manumon Ewangelion Tuhan itah, Yesus Kristus; awang kareh buah hukum kabinasa palus katatahi, awi Tuhan, awi kahain kuasae.

Deuteronomium 11:26-28a

Ite keton, andau toh aku manatayan akan keton berkat dengan sapa: berkat te, amon keton manumon kare parentah Tuhan, Hatallan keton, ije imetehku keton andau toh; tapi sapa te, jika keton dia manumon kare parentah Tuhan, Hatallan keton.

34 MANGAKU YESUS JURUSALAMAT JETE PUNA MAMBATANG HALIAI

Pilippi 2:11

Tuntang kare jela akan mangaku Yesus Kristus te pangkahai Tuhan, indu hormat Hatalla, Bapa.

Lukas 9:26

Karena ewe-eweh ije mahamen mangaku aku tuntang aukku, maka Anakolon kareh mahamen kea mangaku ie metoh panumahe huang kahaie, huang kahain Bapa tuntang huang kahain kare malekat ije barasih.

Mateus 10:32, 33

Maka genep oloh, ije mangaku aku huang taharep oloh, ie te kea

handak ingakuku huang taharep Apangku, ije huang sorga. Tapi oloh, ije milim aku huang taharep oloh, ie te kea handaki ilimku huang taharep Apangku ije huang sorga.

Romani 10:9, 10

Karena amon ikau mangaku Tuhan Yesus hapan totokm, palus ateim percaya, Hatalla jari mampisik ie bara marak oloh matei, te ikau kareh selamat. Karena amon percaya hapan atei, te oloh mandino katetek; finai amon mangaku hapan totok, te oloh mandino selamat.

SETAN TE, PUNA MUSUH ITAH IJE PANGKAHAI 35

Epesus 6:11

Kepan kare ganggaman Hatala, mangat keton tau mendeng, malawan kare akal setan ije bakalilit.

Saritan Gawin Rasul 26:18

Uka ikau manarang matee tuntang mindah ie bara kakaput akan kalawa, bara kuasan setan akan Hatalla, nakara ewen te mandino ampun kare dosae tuntang panatau hayak dengan oloh handiai, ije jari imparasih awi kapercaya huang aku.

Mateus 4:1 tuntang 10, 11

Palus hemben te kea Yesus iagah Rokh akan padang, uka ie iningkes setan. . . .Te koan Yesus

dengae: Indah bara aku, setan! Karana aton aukh surat: "Ikau akan indu manyembah pangkahai Tuhan, Hatallam tuntang batonggal manempo ie bewei." Te setan malibi ie, maka palus malekat dumah, manunggo ie.

II. Tesalonika 2:9

Ie te ije kareh dumah tumon gawin setan, mimbit kare kuasa, kata, gawi heran, ije iawi tanja-roë.

I. Petrus 5:8

Buah keton badange tuntang manjaga, karena ije palawan keton, setan te, kumbang-kambanga kilau singa ije nyakungkong, manggau oloh, ije tau inelee.

Ibrani 2:14

Toh, basa kare anake te puna isi daha, maka ie kea jari tame kilau sama isi daha te, nakara awi pampateie ie marusak ije mimbing kuasan pampatei, ie te setan.

II. Tesalonika 2:8

Te maka kareh bakarinah ije darhaka te, ije kareh irusak Tuhan awi Rokh nyamae, tuntang ije kareh binasa awi kahain panumah Tuhan.

Romani 8:35 tuntang 37

Eweh tau mamisah itah bara sintan Kristus? Kajake, kikeh,

katah, lau, kalowai, bahaya atawa padang? ...Tapi huang kare perkara te itah paham manang awi ie, ije jari sinta itah.

I. Yohannes 3:8

Oloh ije mawi dosa, puna baris setan, karena setan puna mawi dosa bara sola-solake. Maka tagal te Anak Hatalla jari ingarinah, nakara ie marusak kare gawin setan.

Yakobus 4:7, 8a

Tagal te buah keton mamenda Hatalla; lawan setan, te ie kareh hadari bara keton. Talih Hatalla, te ie kareh manalih keton.

SINTA, JETE KILAU KAABAS IJE MANGARASAN 37

ITAH SANGGAM MANJADI MURID KRISTUS

I. Yohannes 4:20

Jaka oloh hamauh: Aku sinta Hatalla, tapi ie basingi paharie, ie te pananjaro. Karana oloh ije jaton sinta paharie, ije gitae, kilen ie sinta Hatalla, ije jaton gitae?

I. Korintus 13:1

Aloh aku tau bakotak hapan kare basan olon tuntang kare basan malekat, amon sinta jaton intu aku, te aku kilau garantong atawa ganta ije mahiau bewei.

I. Yohannes 3:14

Itah katawan, itah jari mindah bara pampatei akan pabelom,

karana itah sinta kare pahari. Ije jaton sinta paharie, ie melai hang pampatei.

Yohannes 21:16

Maka tingkat ije due tinai ie misek ie: Simon, anak Yohannes, aton ikau sinta aku? Koe dengae: Iyoh Tuhan ikau katawan, aku sinta ikau. Te ie hamauh dengae: Awi manyakatik tabirinku!

Galatia 5:22, 23

Tapi buah Rokh te, jete sinta, kahanjak, kasanang, kapanjang atei, asi, kahalap, kapercaya, kalemone atei, kamantoh. Ije kalote gawie, jaton ie iawi Torat.

Romani 4:25

Ije jari inyarakh tagal dosan itah tuntang jari impisik tinai akan indu katetek itah.

I. Korintus 15:3, 4

Karena ije mambatang aku jari mansanan akan keton aukh ije jari dinongku kea, ie te: Kristus jari matei tagal dosan itah tumon aukh surat tuntang jari ingubur; tapi ie jari belom tinai andau telo, tumon aukh surat.

Yohannes 20:26-28

Maka limbah kauju murid hapumpang tinai huang huma te kea tuntang Tomas kea aton de-

ngae. Te Yesus dumah tinai, amon lawang jari ingunci, palus mendeng bentok ewen, koae: Kasanang akan keton! Limbah te ie hamauh dengan Tomas: Julok tunjokm, ite lengengku; julok lengem, ina te huang dahepangku; maka ela ikau bantus percaya, tapi percaya! Tombah Tomas sambil hamauh dengae: Tuhanku! Hatallangku!

Markus 16:9

Maka limbah ie jari misik, andau minggu hayak jadjewu, panyolake Yesus mansanan arepe akan Maria Magdalena, ije bara ie uju dewa jari inganae.

KAMISIK — KAHARAP IJE MULIA AKAN ITAH 39

I. Korintus 15:21, 22

Karena kilau pampatei lembut awi oloh ije, kalote awi oloh ije kea kamisik oloh matei. Karena kilau oloh handiai matei huang Adam, kalote ewen handiai kea kareh imbelom tinai huang Kristus.

Romani 6:3-5

Atawa dia keton katawan, kakare itah, ije jari impandoi huang Kristus Yesus, maka itah jari impandoi huang pampateie? Awi pampandoi barasih itah jari ingubur hayak dengae huang pampatei, uka kilau Kristus jari im-

pisik bara marak oloh matei akan kahain Bapa, kalote itah kea awi mananjong huang pabelom ije taheta. Karena amon itah jari irapet dengae, manjadi sama dengae huang pampateie, maka kalote kea itah akan manjadi sama dengae huang kamisike.

Mateus 16:21

Bara katika te Yesus manampara mansanan akan muride ie jaton tau dia hagoët akan Yerusalem tuntang buah paham kapehe awi oloh bakas, kapala imam dengan oloh tamat surat; tinai ie akan impatei; tapi andau telo ie akan misik tinai.

40 KAHALAP DAN KARASIH AKAN TUHAN

I. Petrus 1:15

Tapi kilau ije jari marawei keton puna barasih, buah kalote kea keton sasar barasih huang kare gawin keton.

II. Korintus 7:1

Maka basa janji kalote intu itah, o keton, ije eka kataungku, buah itah mamparasih arep itah bara kare liken isi tuntang rokh, sambil maninduh karasih itah hayak mikeh Hatalla.

I. Petrus 1:2

Ije jari intih tumon Hatalla, Bapa helo jari kasene ie, ije imparasih Rokh, mangat ie mamenda kapercaya tuntang inampitik

dengan dahan Yesus Kristus. Keleh asi tuntang kasanang sasar indahang akan keton.

Lukas 1:74, 75

Mangat itah, limbah iliwus bara lengen musoh, manempo ie, jaton tawan kikeh, huang karasih, huang katetek intu baun ayue hapus umur itah.

II. Timoteus 2:21

Maka amon oloh mambaris arepe bara kare oloh awang kalote, ie kareh indu milik hormat, ije imparasih, baguna indu hanggap Tuhan tuntang simpan akan kare ampin gawi bahalap.

KAHALAP DAN KARASIH AKAN TUHAN 41

Ibrani 13:12

Tagal te Yesus kea, mangat ie mamparasih oloh hapan dahae, maka ie jari ingapehe intu ruar bauntonggang lewu.

Mateus 3:11

Toto, aku mampondoi keton hapan danum akan kahobah; tapi rahian bara aku aton dumah ije kuasa bara aku, maka aku jaton baguna meton sarumpahe mahin dia; ie te kareh mampondoi keton hapan Rokh brasih tuntang apui.

Yesaya 35:8

Maka hete kareh aton karatak, jalan rampar ije inggare jalan

karasih; oloh papa jaton akan mahoroi hete, baya jete puna akan ewen bewei; oloh handiai ije mahoroi hete, aloh ije humong mahin jaton kareh layang.

Epesus 1:4

Kilau ie jari mintih itah huang Ie, helo bara tamparan kalunen, mangat itah barasih, lapas bara kare kasalan intu taharep aie, huang sinta.

I. Yohannes 1:9

Tapi amon itah mangaku dosan itah, te Ie, ije tau iharap tuntang tetek, mampun kare dosan itah tuntang mamparasih itah, manganan kare kadarhaka.

42 OLOH IJE BASUANG AWI ROKH BARASIH

Romani 8:9

Tapi keton jaton huang isi, malengkan huang Rokh, ie te amon Rokh Hatalla melai huang keton. Tapi oloh ije jaton jari mandino Rokh Kristus, ie jaton baris ayue.

Lukas 11:13

Maka amon keton, ije puna papa, tau manenga taloh bahalap akan anak keton, kilen hindai Bapa kareh manenga bara sorga Rokh brasih akan oloh te, ije balaku intu ie?

Saritan Gawin Rasul 4:31

Maka limbah ewen te jari balakudoa, te eka ewen hapumpung, hongge, hagerek, palus o-

loh handiai te basuang Rokh brasih, tuntang bajurah ewen mananan aukh Hatalla.

Saritan Gawin Rasul 1:8a

Tapi keton kareh mandino kuasan Rokh brasih ije kareh mohon akan keton, tuntang keton akan indu saksingku.

Esekhial 36:27

Aku handak manenga Rokhku intu huang keton, hayak handak mampabias keton belom tumon kare tukasku tuntang mahaga malalus kare parentahku.

Saritan Gawin Rasul 13:52

Maka kare murid basuang kahanjak tuntang Rokh brasih.

KAKARE JANJI IJE BAHALAP AKAN OLOH 43 KRISTEN

Masmur (Nyanyi) 37:3

Harap Tuhan tuntang bahala-
halap gawim, keleh melai sanai
huang tanah, hayak malalus ka-
bujur.

Pangarinah 21:4

Tuntang Hatalla kareh mam-
puas kare johon matae bara ma-
tan ewen; pampatei jaton hindai,
jaton kea kahefang atei tuntang
tangis; kapehe jaton kea hindai,
karana kare taloh awang solake
te jari malalau.

I. Petrus 4:12, 13

O keton, ije eka kakilakku, ela
keton sangang tagal lason kajake,
ije buah keton indu maningkes

keton, sampai angkat keton jaton
patut taloh kalote buah keton.
Tapi hanja-hanjak, basa keton
omba kapehen Kristus, mangat
keton hanjak rantang kea, metoh
ie bakarinah huang kahaie.

Masmur (Nyanyi) 34:19

Tuhan tokep ewen, ije manya-
sal lenyoh ateie, ie mandohop
ewen, ije bageto huange.

Yesaya 66:2

Karana lengengku jari manam-
pa taloh handiai toh, sampai ta-
loh handiai jari manjadi, koan
Tuhan. Tapi aku manangkilik
olah pehe ije lenyoh ateie, tun-
tang ije hagenjeh tagal aukhku.

44 KAKARE JANJI AKAN OLOH JE BUAH TINGKES

Masmur (Nyanyi) 34:20

Are kajaken oloh tetek, tapi Tuhan maliwus ie bara kare taloh te.

Yesaya 43:2

Amon ikau mahoroi danum, te aku mampahayak ikau, amon hanimpah batangdanum, te kare dehese jaton akan mambuseng ikau; amon ikau mananjong mahoroi apui, dia ikau akan bakehu, tuntang nyalae jaton akan kuman ikau.

I. Korintus 10:13

Keton hindai jari buah tingkes, baya ije tau inyarenan bewei; tapi Hatalla toto tau iharap. Ie

jaton handak manalua keton i-ningkes paham bara tanggung keton; malengkan hayak dengan tingkes ie kareh manenga kea eka keton tau bakalindong, nakara keton tau manyarenae.

Romani 16:20

Maka Hatalla, Batang-kasang, bajeleng kareh mamparamok setan te penda pain keton.

Romani 8:28

Maka itah katawan, akan ije sinta Hatalla, taloh handiai uras mandohop akan kahalape, ie te akan kare oloh te, ije jari irawei tumon kahandak Hatalla.

KAKARE JANJI AKAN OLOH JE MANANG 45

Pangarinah 2:7

Ije bara pinding, buah ie mahining aukh, ije insanan Rokh akan kare ungkup: Ije manang, aku handak manyoho ie kuman bara batang pabelom, ije huang pirdus Hatallangku.

Pangarinah 3:12

Ije manang, aku handak manjadian ie indu jihi huang human Hatallangku, maka ie jaton kareh balua bara hete tinai: tinai aku handak manyurat hunjue aran Hatallangku tuntang aran lewun Hatallangku, Yerusalem ije taheta te, ije mohon bara sorga, bara Hatallangku, tinai arangku kea ije taheta te.

Pangarinah 3:21

Ije manang, aku handak manyohoë mondok denganku hunjun padadusanku, kilau aku jari manang tuntang mondok dengan Apangku hunjun padadusae.

Pangarinah 21:7

Ije manang, ie kareh mandino kare taloh te indu panataue, maka aku handak indu Hatallae, tinai ie indu anakku.

Pangarinah 3:5

Ije manang, ie kareh imakayan hapan pakayan baputi, maka aku jaton handak manganan arae bara surat pabelom te; aku handak mangaku arae naharep Apangku, naharep kare malekat ayue.

46 HATALLA HAKOTAK DENGAN ITAH TAHIU KASUAT DAN KABARIS

Mateus 5:32

Tapi aku hamauh dengan ke-ton: Genep oloh, ije hatolang dengan sawae, sala bara bukue habandong, oloh te manyoho ie habandong; tinai oloh, ije kawin dengan oloh bawi, ije jari inganan banae, ie kea habandong.

Romani 7:2, 3

Karana oloh bawi, ije penda kuasan banae, inyarakh awi Torat akan banae katahie belom; tapi amon banae matei, te ie empas bara parentah banae jete. Tagal te katahin banae belom, ma-

ka oloh bawi te inggare habandong, jaka ie babane beken; tapi amon banae jari matei, te ie empas bara parentah te, sampai ie jaton inggare habandong, amon ie babane beken.

I. Korintus 7:10, 11

Tapi oloh ije jari kawin, dia jaka parentahku, tapi parentah Tuhan: Ela oloh bawi manganan banae. Tinai paribasa ie manganan ie, te ela ie babane beken atawa buah mangabuah arepe tinai dengan puna banae; tuntang oloh hatue kea ela manganan sawae.

Mateus 24:27

Karena kilau kilat lembut bara hila timor, manyabintir palus sampai hila barat, kalote kea pandomah Anakolon dapit.

Yakobus 5:8

Buah keton kea panjang atei, sambil mangarasan atei keton; karena pandomah Tuhan jala-jalan tokep.

Markus 8:38

Karena oloh ije mahamen tagal aku tuntang mahamen tagal kare aukhku intu jalahan oloh toh, ije pahabandong tuntang badosa, maka Anakolon kea kareh

mahamen tagal ie, amon ie dumah huang kahain Bapae, impahayak kare malekat ije barasih.

Mateus 24:30

Te maka katan Anakolon kareh mamala huang langit; te kare utus oloh hunjun petak kareh manangis hayak mite Anakolon dumah hunjun baunandau huang langit tuntang kuasae tuntang paham kahaie.

Yohannes 14:3

Tapi limbah aku jari lius tuntang jari manyimpan eka akan keton, maka aku haluli tinai, palus manduan keton omba aku, uka hete aku, hete kea keton.

Mateus 16:27

Karena Anakolon kareh dumah huang kahain Bapae impahayak kare malekat ayue. Te ie kareh mamaleh genep oloh tumon gawie.

Pangarinah 16:15

Ingat! aku dumah kilau maling. Selamat oloh ije manjaga tuntang mahaga pakayae, bele ie mananjong halowai tuntang kahawee gitan.

Saritan Gawin Rasul 1:11

Ije hamauh: O oloh Galilea, mbuhen keton mendeng, mananggera langit? Yesus te, ije jari

induan bara keton akan sorga, dapit haluli tinai kalote kea, kilau keton jari mite ie hagatang akan sorga.

Lukas 21:27

Te oloh kareh mite Anakolon dumah huang baunandau tuntang kuasae tuntang paham kahae.

I. Yohannes 3:2

O keton ije ingilakku! Toh itah anak Hatalla; maka hindai jari bakarinah ampin itah ije harian dapit; tapi itah Katawan, amon Yesus jari bakarinah, te itah kea kareh nyapi-nyapih ie, karena itah kareh mite ie bitie haliai.

AUH HATALLA

Aukhm indu palitan paingku kare patongan tuntang tirok atei.
tuntang kalawa jalangku. Ibrani 4:12

Masmur (Nyanyi) 119:105

Karena kare tujum horan
jaton jari inyewut awi kahandak
oloh, tapi oloh ain Hatalla, jari
manyawut te, hayak ie iajar Rokh
brasih. II Petrus 1:21

Karena aukh Hatalla puna
belum tuntang bara kuasa, bany-
ihi bara pakang ije kuman hasan-
sila, maka jete manamberlan
sampai mamisah hambaruan
dengan rokh, sapan tolang tun-
tang untek; tinai jete mariksa

Huang ateiku aku mingkes
kare aukhm, bele aku badosa
dengam.

Masmur (Nyanyi) 119:11

Langit tuntang petak akan
nihau; tapi aukhku jaton nihau.

Lukas 21:33

Hapus sirat barasih te, ije
palembute bara Hatalla, jete
baguna akan ajar, akan pujin
kasalan, akan mambujur oloh,
akan mahaga majar oloh huang
katetek. II Timoteus 3:16

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, IN 46553-0120 USA